

Hol ko tonngi demngal Fulfulde ngal?

So demngal no jogori maayde, njanngirtee ko demngal jananal

Mi holluno ka widto am jan̄taago dow d̄oo, wonde ka dudal-mawngal ngal Obafemi Awolowo Najeeeriya woni ko daranii demngal Yoruba ngal haa ka wad̄taa winndireede widtooji Master e Doktoraa gila hitaande 1980 fewndo ko ndaarto arano wad̄anaa widto Master e ngal dudal-mawngal, duubi sappo baawo mu'un -e maanaa hitaande 1990- taalibaajo goo kadi ndaartuno widto makko PhD e ngal dudal Obafemi Awolowo winndiraango demngal Yoruba. Dum haadaali fewndo ontuma, sabu hino woodi haa fewndo d̄oo wonbe wadde widtooji mu'un e ngal dudal-mawngal hara ko e Yoruba winndiraa.

Mi holli kadi wonde dufe-mawde goo -wano jaabi-haadtirde nden Egerton (Egerton University) Kenya udditii laawol fii hebugol Doktoraa e Falsafa (philosophia) ka demngal Swahili.. haa no mi rewtiri Ecopii ka demngal Amhariya ngal jogii nokkuure mawnde ka jaabi-haadtirde Addis Ababa, sabu himmirgol widtooji Master e Doktoraa ka demngal Amhariya...

Ko goonga, koo ko jan̄taa dow d̄oo fof ko eb̄booje dufe-mawde den, kono (id / dee) dum hollaali wonde sugu dee eb̄booje ko e jaabi-haadtirde din tan woni ko iwrate tawde ko kambe fewjata.

Ndee fewjoore kadi hino iwra e daraniibe demde afriknaaje den, dufe mawde den jaba miijo ngon be rerdina taalibaabe ben winndirgol widtooji mabbe din ka demde mabbe neeniije.

Seedee mu'un, sonna Zinhle NKosi subino winndirgol widto makko PhD ngon ka demngal makko Zulu toon to jaabi-haadtirde Kwa Zulu-Natal, fii

no ngal demngal jaŋnginirtee ka jaŋnde aranere (primary school) hitaande 2015.

Gila o hebingol meetelol makko Doktoraa ngol, sonna NKosi tammbitike almuube duuduube winndirbe widtooji mu'un ka demngal Zulu. Wano lowre kumpital nden Iol.co.za humpitiri non, dum ko ko jokkondira haa hannde, sonna NKosi hino jokki tammbitagol almuube winndiroobe witooji mu'un demngal Zulu ngal.

Dum haadaali don, sabu on sonnaaji / debbo hino yaltinnde widtooji mu'un winndiraadi demngal Zulu ka jaaynde *Academic Journals* wondude e wodbe goo daraniibe ngal demngal.

Misal goo kadi, ko on jaambaaro cuuso wi'eteedo Hleze Kunju wadani demngal makko ngal isiXhosa e hitaande yawtunde (2017) fewndo nde o winndiri widto maako PhD ngon e ngal demngal fii hebugol meetelol Doktoraa. O woni arano e adiibe winndirde ngal demngal e banje akademi, e ballal dudal-mawngal ngal Rhodes, o wasiyii ka timmoode widto makko nde « demngal isiXhosa ngal jaŋnginiree ka duɗe », dum don woni sabu demngal ngal bamtoraade e ngon senngo, ngal jeyaa e demde gannde.

Dee mise yawtude dow doo fof, ko ngam hollude wonde ebooree no demngal Fulfulde ngal winndiree ka duɗe-mawde hino gasa iwrude e daraniibe bamtugol demngal ngal, wano beya gerdiri non fii demde mabbe den.

Mi yettii.

Kudol : Tafsir Balde

Mo Misiide Bambaare

www.teddungal.com

Ruttordé :

Balde, Mamadou Tafsir. (2018). University Academic Papers in African Languages : an observation and follow-up : Qiraat African Magazine, issue #35 (pp. 86 – 95).

Diallo, Mamadou Saliou. Langue et Education en Guinée. ACALAN, numéro: 2, Decembre 2017.

Don, Osbor (2017). Dissertations written in African languages (blog), available online at : <http://niamey.blogspot.com/2017/04/dissertations-written-in-african.html>

PhD written in isiXhosa hailed as milestone, available online at : <https://www.iol.co.za/news/south-africa/phd-written-in-isixhosa-hailed-as-milestone-8779991>

Mother tongue the dissertation language, available online at : <https://www.iol.co.za/news/south-africa/kwazulu-natal/mother-tongue-the-dissertation-language-1919215>